

-a retribución que percibirá será de 35.925 euros brutos anuais ou, en todo caso, a que se fixe nos orzamentos do Concello para o dito posto.

Cuarto.- Notifíquese a presente resolución ao interesado e dependencias municipais afectadas, e publíquese no Boletín Oficial da Provincia.

Cúmprase.

Lugo, 30 de abril de 2024.- A Alcaldesa, MERCEDES PAULA ALVARELLOS FONDO.

R. 1293

MEIRA

Anuncio

EXPOSICIÓN PÚBLICA E ANUNCIO DE COBRANZA- PADRÓN FISCAL SERVIZO DE AXUDA NO FOGAR

Por Resolución da Alcaldía núm. 193/2024, de data 2 de maio de 2024, se prestou aprobación ao padrón fiscal do Servizo de Axuda no Fogar correspondente ao mes de abril de 2024, na modalidade de SAF básico e dependencia.

Segundo o disposto no artigo 102.3 da Lei 58/2003, de 17 de decembro, xeral tributaria, por medio do presente ponse en coñecemento dos contribuíntes obrigados ao seu pagamento, que dispoñen dun prazo de QUINCE (15) días contados a partir da publicación do presente anuncio no BOP de Lugo, ao obxecto de que poida ser examinado e presentar as reclamacións que estimen pertinentes, entendéndose elevado a definitivo se, transcorrido o prazo de exposición pública, non se formulara ningunha reclamación.

Así mesmo, e de conformidade co artigo 14 do Real Decreto lexislativo 2/2004, do 5 de marzo, polo que se aproba o Texto Refundido da lei reguladora das facendas locais, os interesados poderán interpor recurso de reposición ante o Sr. Alcalde, no prazo de UN MES (1) contado dende a data de finalización do período de exposición pública deste padrón fiscal no BOP. Contra a resolución do recurso de reposición, non caberá de novo dito recurso.

Contra a resolución do recurso de reposición, expresa ou tácita, os interesados poderán interpor recurso contencioso-administrativo ante o Xulgado do Contencioso-Administrativo de Lugo, nos prazos sinalados no artigo 46 da Lei 29/1998, de 13 de xullo, Reguladora da Xurisdición Contencioso Administrativa. Non obstante poderán interpor calquera outro recurso que consideren oportuno.

Anuncio de cobranza

De conformidade co disposto nos artigos 24 e 25 del Real Decreto 939/2005, do 29 de xullo, polo que se aproba o Regulamento Xeral de Recadación, fíxase como prazo de ingreso en período voluntario dende o 3 de maio ao 3 de xullo de 2024.

Os contribuíntes que teñan domiciliados os recibos seranlles cargados nas contas bancarias que designaron. Transcorrido o prazo de pagamento en período voluntario, as débedas serán esixidas polo procedemento de constrinximento cos correspondentes xuros de mora e costas que se produzan, no seu caso.

A presente publicación, nos dous supostos, de anuncio de exposición ao público do padrón e anuncio de cobranza en fase voluntaria, ten carácter de notificación colectiva, ao abeiro do establecido no artigo 102 da lei 58/2003.

Meira, 2 de maio de 2024.- O alcalde, Antonio de Dios Álvarez.

R. 1294

MONFORTE DE LEMOS

Anuncio

CONVOCATORIA PARA A AMPLIACIÓN DA LISTA DE AGARDA PARA AS VACANTES OU AUSENCIAS QUE NA ESPECIALIDADE DE PIANO DO CONSERVATORIO MUNICIPAL MESTRE IBÁÑEZ, SE POIDAN DAR.

Por acordo da Xunta de Goberno Local de data 15 de abril do 2024 aprobáronse as bases da convocatoria indicada.

As persoas aspirantes que desexen tomar parte no proceso selectivo deberán facelo constar mediante solicitude, dirixida ao Sr. Alcalde - Presidente do Concello de Monforte de Lemos con arreglo ao modelo que figura na páxina web do Concello de (www.monfortedelemos.es).

A presentación das solicitudes farase no Rexistro de documentos do Concello en horario de nove a dúas ou en calquera dos restantes lugares previstos no artigo 16 da lei 39/2015 de 1 de outubro, do procedemento administrativo común, no prazo de CINCO (5) días naturais a contar dende o día seguinte da publicación deste anuncio no Boletín Oficial da Provincia de Lugo.

Se as instancias non son presentadas no rexistro do Concello os aspirantes deberán comunicalo o mesmo día da presentación ó correo electrónico rrhh@concellodemonforte.com.

As bases poden ser consultadas na web municipal (www.monfortedelemos.es) e no taboleiro de anuncios.

Monforte de Lemos, 19 de abril de 2024. O ALCALDE, José Tomé Roca.

R. 1295

TRIACASTELA

Anuncio

Expediente nº: 67/2022

Con data 2 de maio, ditouse a resolución de Alcaldía do seguinte tero literal:

"RESOLUCIÓN.-

De conformidade co disposto nas Bases Xerais que regulan, xunto coas Bases Específicas, o proceso selectivo excepcional de estabilización de emprego temporal de longa duración, convocado para o ingreso en unha praza de persoal laboral fixo no Concello de Triacastela denominada limpiadora, polo sistema de concurso, acceso libre, cota xeral, incluída na Oferta de emprego público do ano 2022 – Taxa adicional de estabilización de emprego temporal (Art. 2 da Lei 20/2021), e publicadas no BOP nº 281 de 10 de decembro de 2022.

Esta Alcaldía, en exercicio das atribucións que lle confire a lexislación vixente en materia de réxime local, pola presente,

RESOLVE

Primeiro.- Aprobar a lista definitiva de aspirantes admitidas/os e excluídas/os ao proceso citado:

Lista provisional de aspirantes admitidos/as:

Nº	Apelidos e nome	DNI	Proba de Galego
1	Castrillón Barreiro, Evangelina	*****756N	EXENTA

Lista definitiva de aspirantes excluídas/os e motivos da exclusión:

Non hai lista de excluídas/os

Segundo.- Nomear á persoas membros do Tribunal cualificador que a continuación se sinalan:

- Presidente: D^a M^a José Espín Fontal, Empregada pública do Concello de Triacastela.

Suplente: D^o Óscar Doral García, Empregado público do Concello de Cervantes.

- Secretaria: D^a M^a Luz Hermida Pernas, Secretaria-Interventora do Concello de Triacastela.

Suplente: D^o Manuel Piñeiro López, Empregado público do Concello de Paradela

- Vogal 1^o: D^a M^a Matilde Martínez López, Empregada pública do Concello de Triacastela.

Suplente: D^o José Luís López Moure, Empregado público do Concello de Samos.

- Vogal 2^o: D^a M. Concepción Iglesias Piñeiro, Empregada pública do Concello de Triacastela.

Suplente: D^o Eloy López Fernández, Empregado público do Concello de Samos.

- Vogal 3^o: D^a Ana Belén Alba González, Empregada pública do Concello de As Nogais.

Suplente: D^o Mario Álvarez Pérez, Empregado público do Concello de Navia de Suarna.

Terceiro.-Notificar ás persoas que forman o Tribunal cualificador para que comparezan o día 21 de maio, ás 11.00h no Salón de Plenos da Casa do Concello de Triacastela, para a súa constitución, examen e valoración de méritos das persoas aspirantes admitidas.